

明鼎甲徵信錄卷

四三

明縣甲徵信錄卷三

歸樂閩湘蕙香亭編輯

壽光張椿齡壽山增訂

羅洪先字達夫江西吉水人高祖慶同性寬博易良
大度輕財常治藥劑救人無分親疏貧富求藥必與
善品不能償者不强索嘗大雪夜半聞叩戶聲亟起
問之則儒生爲母市藥延入坐歎曰子爲母乘夜來
此其孝者歟儒生出金釧貿藥問係誰物曰母物也
又問母命之乎曰病困不知也慶同曰汝母病中聞

去金釧心必不樂是益其病也可持去授汝良藥後
儒生數數來取心不自安留券爲憑歲將暮家人持
券欲索慶同曰爾爲我惜金耶投券於火竟不問生
子良貢補廣海衛經歷良生王王之仲子循卽洪先
父也爲人剛巖慷慨急於義而厭猥屑家素貧常不
能得師乃發奮自閉一舍晨夜誦讀不輟十四五爲
文章卽有繩準長史李勲許妻一女爲延師解尚書
及諸史傳嘗如白河從商舟泊襄陽旅舍有來奔者
佯若不論意促之出曰此非子宜留也其人吐實則

忿怒脫走。比舉鄉試。出棧道郵亭。亭長告曰。惡地不可棲處。時已昏黑。不得已居之。夜半戶開。月色中美。文婷婷來坐榻上。循意其私奔。不之答。遂熟寢。少頃從者作魘語。起問之。已爲鬼物所侵。返視戶。戶固扃也。明日以告亭長。亭長曰。此妖殺人多矣。而莫能動。公公福德未可量也。會試入京。一日亡其囊中罽褐。同舍唐鵬內不自安。物色得之。給循往觀。比至舉示之曰。此非君物耶。循曰。物偶相似。非我物也。亟趨出。語同舍生曰。吾失褐不甚損。彼得惡名。尚可爲士乎。

唐○謝○不○及○其○寬○厚○如○此○宏○治○已○未○成○進○士○除○刑○部○主○事○擢○鎮○江○守○巨○寇○劉○七○等○薄○境○郭○外○民○皆○奔○城○而○指○揮○使○閉○門○自○守○循○曰○城○以○衛○民○未○聞○棄○民○嬰○空○城○也○乃○斧○扃○鑰○納○之○一○晝○夜○乃○止○未○幾○朝○廷○遣○將○大○兵○至○循○竭○力○促○辦○軍○費○狼○山○奏○捷○上○其○功○調○淮○安○守○錄○囚○縱○釋○九○十○餘○人○聽○訟○平○恕○部○使○者○上○治○行○諸○郡○第○一○擢○山○東○按○察○副○使○補○密○雲○兵○備○旋○罷○歸○初○循○壯○年○無○子○偶○遊○一○寺○有○七○棺○暴○露○意○甚○憫○之○捐○俸○命○僧○葬○於○寺○側○夜○夢○神○告○曰○汝○陰○功○浩○大○動○天○上○帝○賜○汝○貴○

子矣。遂生洪先神穎殊絕。時五歲夢至通衢紅樓夾
映百貨。胥集市人肩摩。自知爲夢。呼曰。汝往來者皆
吾夢中。尙自攘攘何耶。遂醒以告母。識者知非埃壚
人也。九歲始就塾師。三年後喜爲古文辭。慨然慕羅
一峰之爲人。方十五聞陽明講學虔臺。心卽嚮往常
斂目端坐。同舍生誦之曰。是羅道學先生耶。比傳習
錄出抄讀。至忘寢食。欲往受業。循不可而止。乃師事
同邑李中。傳其學。年二十二舉於鄉。嘉靖八年舉南
宮。廷試賜一甲第一。授修撰。卽請告歸。外舅曾直喜。

曰○幸○吾○壻○成○大○名○洪○先○曰○學○人○事○業○有○大○於○此○者○此○
三○年○一○人○安○足○喜○也○洪○先○雖○貴○循○教○之○不○殊○童○稚○客○
至○令○衣○冠○行○酒○拂○席○授○几○客○踧○踖○起○止○之○曰○君○謂○勞○
耶○固○所○以○愛○之○也○居○二○年○赴○官○尋○遭○父○喪○苦○塊○蔬○食○
不○入○室○者○三○年○繼○遭○母○憂○亦○如○之○服○闋○召○拜○左○春○坊○
左○贊○善○未○幾○罷○官○歸○里○益○尋○求○守○仁○學○築○室○石○蓮○洞○
默○坐○一○榻○三○年○不○出○戶○年○六○十○一○忽○一○夜○聞○洞○外○人○
語○曰○甲○子○年○來○甲○子○年○與○君○相○見○月○圓○前○明○日○遂○歸○
望○前○一○日○無○疾○而○逝○世○傳○爲○仙○去○云○贈○光○祿○寺○少○卿○

誼文恭

明史並通紀直解吉水縣志念菴文集皇華紀聞古今萬姓統譜商鑑忍字輯畧

林大欽字敬夫廣東海陽人封翁毅齋爲潮郡刑房典吏矜恤疑獄哀憫煩冤蓋其素念偶一人銜冤陷辟謀與雪不能得策乃朝夕禱大士冀賜垂救一夕夢慈悲示曰某按院讞語致疑某刑官招詳未確乘此辯之可見罪非其有曉卽代爲作詞上訴果獲釋其人深感大德奈久禁家貧無以爲報知翁未嗣欲以女歸之翁不許一日延翁醉扶密室媾女同寢翁覺曰不可女曰父蒙翁再生命妾奉事以酬恩德翁

又曰不可。女復曰：此出父命，且昏夜人無知者。翁疑嚴若此，無乃孤負父心矣？翁三曰：不可。起去。後遂不過其門。至年五十，產大欽，有異徵。聰穎異儔。年十二，篤嗜蘇氏嘉祐集，操筆爲文，神氣宛肖。十八，失怙，拮据奉母，力不能致書。族伯廷相、廷泰，名孝廉也，藏書萬卷，因資以博通經史。東鄰有豔婦，屢流盼，乘夫出穴牆，招之。大欽心動，曰：室邇人遐，奈何？婦曰：豈不憶踰東家牆乎？梯而上，忽轉念曰：人可瞞，天不可瞞。遂下。婦復婉招。大欽爲所惑，乃復上，已騎牆欲過矣。又

自念曰天終不可瞞急下扁其門而出嘉靖十年舉鄉試第一十一年北上店主夢神語曰明日林三不可子來乃今科狀元汝宜敬禮主人心識之至京赴試時主司少詹事張潮秉燭獨坐聞耳畔言曰狀元乃騎牆人也及狀元來謁詢之始悉前事告歸復過旅舍主人具以夢告大欽思三不可非父混名何以神有預朕歸以白母方知封翁隱德人所不喻惟母夫人知之也當壬辰之未殿試也尙書夏言上疏言經藝策論各有程式違者不錄上從之旣廷試復令

郎中約諸士咸聽大欽獨後至不聞也起不用對冒
而文氣甚奇尚書汪鉉得其卷以示大學士張孚敬
覽之曰雖破格甚明健可誦取爲第三既呈覽御批
第一時年二十二奉旨歸娶官詞垣三年卽疏請終
養奉母南旋築室聚族人結講堂華嚴山與鄉子弟
講貫六經究性命之旨實能於所性本體着力修存

天下想風采焉

廣東通志並善言纂要警惕錄貢舉考畧制義科瑣記

孫陞字志高浙江餘姚人父燧宏治六年進士正德
中官河南布政使有政績甯王宸濠蓄逆謀官其地

者惴惴以得去爲幸。燧以才節著，治聲。廷臣交章薦擢右副都御史，巡撫江西。燧聞命，歎曰：「是當死生以之矣。」遣妻子還鄉，攜三僮以行。時宸濠逆狀已大露，燧左右悉宸濠耳目，燧防察密，左右不得窺。獨時時爲宸濠陳說大義，卒不悅。陰察許達忠勇可屬，大事與之謀。先是副使胡世寧暴宸濠逆謀，中官幸臣爲之地。世寧得罪去，燧忿，訟言於朝：「無益乃托禦他寇，預爲備，又恐宸濠劫兵器假討賊，盡出之他所，達勸燧先發。」後聞燧曰：「奈何？」予賊以名，且需之。密疏白宸

濠必反爲宸濠遮護不得達會御史蕭淮發宸濠不軌狀詔重臣宣諭十四年六月丙子宸濠反劫燧使從已燧大怒曰汝速死耳天無二日吾豈從汝爲逆哉宸濠怒叱燧麾兵縛之達奮曰汝曹安得辱天子大臣因以身翼蔽燧遂并縛達二人且縛且罵不絕口同遇害惠民門外燧生有異質遇事挺然不撓兩目爍爍夜有光死之日天忽陰慘烈風驟起凡數日城中民大恐走收兩人屍屍未變黑雲蔽之蠅蚋無近者贈禮部尙書諡忠烈與達並祀南昌賜額旌忠

各蔭一子。燧子堪。聞父計。率兩弟埤。陞赴之會宸濠。已擒。扶柩歸。兄弟廬墓。蔬食三年。有芝一莖。九葩者。數本。產墓上。服除。以父死難。更墨衰三年。世稱三孝子。堪諸生。旣廕錦衣。中武會試第一。官都督僉事事。母楊至孝。母年九十餘。歿於京師。堪以毀卒。堪子鉅。亦舉武會試。官都督同知。埤以選貢生。厯官尙寶卿。埤孫如游。大學士。陞嘉靖十四年。廷對第二。官至禮部尙書。諡文恪。生平不言人過。時稱篤行君子。陞四子。鑪鑛皆尙書。鉅侍郎。綜太僕卿。鑪子如法。主事。如

洵參政。並以文章行誼世。其家

明史竝通紀直解江西通志

按陽明先生年譜云。宏治五年壬子。浙江鄉試時。闈中夜半。有二巨人。各衣緋綠東西立。大言曰。三人好作事。已而王守仁與孫中丞燧。胡尙書世甯。同舉。及宸濠之變。胡發其奸。孫死其難。守仁平之。據此。則孫公以忠烈顯。事若前定矣。然害遇一刻。名著千秋。子孫仕宦科甲。累世不絕。上帝厚報忠義。如此。世之膺臚仕而遇事變者。亦何憚不爲忠義哉。

沈坤字伯載江南崑山人性粹樂善虔奉關帝年當
大比坤祈帝示闈題一友詣其家竊聞之掩口去卽
擬七題潛置香爐下次日坤焚香見之喜曰帝賜也
依題擬之及入場題果合放榜中式其友被落嘉靖
二十年坤狀元及第官祭酒此敬禮神明而獲報者
也覺世直經闡化
編並洞淵錄

瞿景淳字師道江南常熟人八歲能屬文久困諸生
間教授里中自給爲人心本忠厚外則慤直居常坦
易可親而苟非其人或不以義或無一識而強比之

者輒面加責斥不少寬假其出諸口者人若不能當
跡其行事則又不苛礫初未嘗以不能當者加諸人
也嘉靖二十三年會試第一殿試第二由編修官祭
酒以身爲師弦誦雍雍士樂向化累官禮部侍郎疾
作賜歸卒諡文懿子汝稷仕至知府汝說提學湖廣
孫式耜萬厯丙辰進士永明王立晉吏部侍郎東閣
大學士後與張同儼殉節西市

明史並通紀
直解全州志

李春芳字子實江南興化人曾祖某老農也居句容

山中地名大村爲縣人曹尙書義家佃種會尙書擇